

На Утрени, На Бог Господь

Тропарь, глас 4:

Днесь, благовернии людие, светло прázднуем,/ осеняеми Твоим, Богомати, прише́ствием,/ и к Твоему взирающе пречистому образу, умильно глаго́лем:/ покрый нас честным Твоим Покрóвом,/ и избави нас от всякаго зла,/ моля́щи Сына Твоего Христа Бога на́шего// спасти души на́ша. **Дважды.**

Слава и ныне: Тойже.

По 1-м стихословии седален, глас 3:

Божественными сиянии ангельских воинств обступаема, и с чинми пророк и апостол, честно службу приемлющи, яко Мати Божия, посети нас Твоих раб, моля́щи Христа Бога нашего, даровати нам велию милость. **Слава, и ныне, тойже.**

По 2-м стихословии седален, глас 6:

Безпомощным крепость, Ты воистинну Пречистая Богомати, отсюда смиреннии Тобою возвышаемся, о Тебе высоце держимся: всем Ты еси покров и к Богу ходатаица. **Слава, и ныне, тойже.**

По полиелеи седален, глас 4:

Яко древняго воистинну пречестнее кивота, Твой пречестный омофор, паче илектра просвещаяся, невестественне, но духовне нетленными Твоими пречистыми руками простираемь, соблюдает милостивно чествующих благоукрашенный праздник Твоего Покрова, Владычице, воньже сошедшеся усердно празднуем. **Слава, и ныне, тойже.**

На Утрени, начинает первый лик, поя:

1. Велича́ем Тя, / Пресвятая Дéво, / и чтим Покрóв Твой святы́й:/ Тя бо виде святы́й Андрей на воздúсе,/ за ны Христу́ моля́щуюся.

Ино величание:

2. Велича́ем Тя,/ Пресвятáя Дéво,/ Мáти Христа́, Бога на́шего,/ и всесла́вный сла́вим/ Покрóв Твой.

Ино величание:

3. Велича́ем Тя,/ Пресвятáя Дéво,/ Мáти Христа́, Бо́га на́шего,/ Иже к Сыну Сво́й руке простира́ющи, и о ми́ре моля́щися,/ и честным Сво́им омофо́ром защища́ющи/ град и лю́ди от враго́в на́ших.

Таже паки тойже лик поёт псалом избранный, Афонский:

Велий Господь и хвален зело, во граде Бóга нáшего, в горе святéй Егó./ 2. **С**вят храм Твой, дивен в правде./ 1. **С**вятыня и великолéпие во святíле Егó./ 2. **Л**ицú Твоемú помóлятся богáтии людстии. / 1. **С**ынове чело-вéчестии в крóве крилú Твоею надéются íмут./ 2. **Р**аспростре́ óблак в по-крóв им./ 1. **П**окрыю и, я́ко познá íмя Моé./ **В** крóве крилú Твоею по-кры́еши мя. / 1. **Б**ог в мéсте святém Своém, и в храме Егó всякий глаголет славу./ 2. **П**редста́ Цари́ца одеснúю Тебé./ 1. **П**ризré на молитву сми-рénных и не уничижи молéния их. / 2. **И** молítву их услы́шит и спасёт я./ **З**а то помóлится к Тебé всяк преподóбный./ **П**омоли́хся лицу Твоемú всем сердцем моим./ **Т**ы еси́ прибéжище от скóрби, обдержáция мя./ **П**окрый мя от сóнна лукавнующих./ 1. **В** день зол мо́их покрý мя. / 2. **П**окры́еши мя от враг, озлобляющих мя. / 1. **П**омяну íмя Твое́ во вся́ком рóде и рóде. / 2. **С**его́ ра́ди лю́дие исповéдятся Тебе в век и в век века./ 1. **С**лава, и ныне: Аллилуйя: **Трижды.**

Ин избранный псалом (Псалтирь 1720 г, издания Успенской Святой Киево-Печерской Лавры):

Живый в по́мощи Вы́шняго в крóве Бóга Небéснаго водворíтся. **П**окрыю егó, я́ко познá íмя Моé. **В** крóве кри́лу Твоею покрýеши. **П**окры́еши их в крóве от пререкáния язы́к. **С**ынове чело́вечестии в крóве крил твоих на-дéются. **С** ним ёсмь в скóрби, и íзму и, и просла́влю егó, и явлю́ ему спа-сéние Моé.

Степенна: 1-й антифон 4-го гласа.

Прокимен, глас 4: Помяну́ имя Твое/ во всяком роде и рóде.

Слава: Молитвами Богородицы:

И ныне, тойже:

Помилуй мя, Боже:

По 50-м псалме стихира, глас 8:

Сра́дуются с нами умная вся чиноначáлия,/ духовно совокупльше чýвственный ли́к,/ видяще Цари́цу и Влады́чицу всéх,/ многоимéнно верными сла́виму,/ радуются же и дуси пра́ведных,/ сущии зрítелие видéния,/ на воздúсе молебно простирающу всечестней Своеи рúце,/ просящи умирения мíру,/ и царем держáвы и утверждéния, // и спасе-ния дúш нáших.